

圖經衍義本草卷之十二

五

圖經衍義本草卷之十二


父五

宋通直郎辨驗藥材寇宗奭編撰

宋太醫助教辨驗藥材許洪校正

草部中品之上

乾薑



乾薑味辛温大熱無毒主腎滿欬逆上氣温

中止血出汗逐風濕痺腸澼下利寒冷腹痛
中惡霍亂脹滿風邪諸毒皮膚間結氣止唾
血生者尤良

圖經云文具生姜條下

禹錫云謹按唐本註云治短結氣止血宣

父五

諸絡脉發汗久服令眼暗

外臺祕要治瘡不痊乾姜高良姜等分爲
末每服一錢水一中盞煎至七分服○又
方治卒心痛乾姜爲末米飲調下一錢
千金方治齟鼻以乾姜末蜜和塞鼻中

肘後方治身體重小腹急熱必上衝胃頭
重不能舉眼中生翳膝脛拘急乾姜四兩
末湯和溫服覆取汗得解○又方治寒痢
切乾姜如大豆米飲服六七十枚日三夜
一服痢青色者爲寒痢累服得效

王氏博濟方治瘡乾姜炒令黑色搗羅爲
末臨發時以溫酒調三錢服已發再服之
廣利方治諸蛇毒螫人欲死兼辟蛇乾姜
雄黃等分同研用小絹袋盛繫臂上男左
女右蛇聞藥氣逆避人螫毒傳之

孫真人方治水瀉無度干姜末粥飲調一

錢服立效

集驗方治血痢神效乾姜急於火內燒黑

不令成灰甕碗合放冷爲末每服一錢米

飲調下○又方治咳嗽令氣結脹乾姜爲

父五

末熟酒調半錢服兼治頭眩眼眩立效

傷寒類要治傷寒婦人得病雖差未滿百

日不可與交合爲陰陽之病必拘急手足

拳欲死丈夫病名爲陰易婦人名爲陽易

速當汗之可愈滿四日不可療宜令服此


藥乾姜四兩爲末湯調頓服覆衣被出汗

得解手足伸遂愈

日不生薑

州 温

州 涪



生薑 味辛微溫主傷寒頭痛鼻塞欬逆上氣

止嘔吐久服去臭氣通神明生犍爲山谷及
荊州揚州九月採秦椒爲之使殺半夏葭宥
毒惡黃芩黃蓮天鼠糞

圖經曰生薑生犍爲山谷及荊州揚州今

父五

三

處處有之以漢溫池州者爲良苗高二三
尺葉似箭竹葉而長兩兩相對苗青根黃
無花實八九月採根於長流水洗過日曬
爲乾姜○又千金方主痰癖以薑附湯治
之取生薑八兩附子生用四兩四破之二

物以水五升煮取二升分再服亦主卒風
禁猪肉冷水○崔元亮集驗方載勅賜薑
茶治痢方以生薑切如麻粒大和好茶一
兩椀呷任意便差若是熱痢即留薑皮冷
即去皮大妙○劉禹錫在淮南與李亞同
幕府李每與人藥而不出方或譏其吝李
乃情話曰凡人患嗽多進冷藥若見此方
用藥熱燥即不肯服故但出藥多效試之
信然李卿換白髮方云刮老生薑皮一大
升於鐺中以文武火煎之不得令過沸其

鐺惟得多油膩者尤佳更不須洗刷便以
薑皮置鐺中密固濟勿令通氣令一精細
人守之地色未分便須煎之緩緩不得令
火急如其人稍疲即換人看火一伏時即
成置於甕鉢中極研之李云雖曰一復時

若火候勻即至日西藥成也使時先以小
物點取如麻子大先於白鬚下點藥訖然
後拔之再拔以手指熟撚之令入肉第四
日當有黑者生神效

陶隱居云乾薑今惟出臨海章安兩三村

解作之蜀漢薑舊美荊州有好薑而並不
能作乾者○又云生薑歸五藏去痰下氣
止嘔吐除風邪寒熱久服少志少智傷心
氣如此則不可多食

唐本註云薑久服通神明主風邪主痰氣

父五

四

生者尤良經云久服通神明即可常服也
陳藏器云生薑本攻外汗解毒藥自餘破
血調中去冷除痰開胃用熱即去皮要冷
留皮

日華子云乾薑消痰下氣治轉筋吐瀉腹

藏冷皮胃乾嘔瘀血撲損止鼻洪解冷熱
毒開胃消宿食

禹錫云按藥性論二乾薑臣味苦辛治腰
腎中疼冷冷氣破血去風通四肢關節開
五藏六腑去風毒冷痺夜多卜便乾者治
嗽主溫中用秦艽主霍亂不止腹痛消脹
滿冷痢治血閉病人虛而冷宜加用之
又云生薑使主痰水氣滿下氣生與乾並
治嗽療時疾止嘔通不下食生和半夏主
心下急痛若中熱不能食擣汁和蜜食之

又汁和杏仁作煎下一切結氣實心百擁
隔冷熱氣

食療云生薑温去痰下氣除壯熱治轉筋
心滿去背中臭氣通神明又胃氣虛風熱
不能食薑汁拌雞子殼生地黄汁少許蜜

父五

五

一匙頭和水三合頓服立差

外臺祕要治霍亂注痢不止轉筋入腹欲
死生薑三兩擣破以酒一升煮三四沸頓
服○又方久患咳噫連咳四五之聲者取
生薑汁半合蜜一匙頭煎令熱温服如此

三服立效

千金方治乾噦嗽若手足厥冷宜食生薑
此是嘔家藥又治心下痞堅不能食胃中
嘔噦生薑八兩細切以水三升煮取一升
半夏五合洗去滑以水五升煮取一升二
味合煮取一升半稍稍服之○又方治產
後穢污下不盡腹滿生薑二斤以水煮取
汁服即出

經驗方善治狐臭用生薑塗腋下絕根本
楊氏產乳方胎後血上衝心生薑五兩切

以水八升煮三升分三服

唐崔魏公云鉉夜暴亡有梁新聞之乃詎
之曰食毒僕曰常好食竹雞竹雞多食半
夏苗必是半夏毒命生薑搯汁折齒而于
之即活

衍義曰生薑治暴逆氣嚼三兩皂子大下
嚙定屢服屢定初得寒熱痰嗽燒一塊哈
齒之終日間嗽自愈暴赤眼無瘡者以古
銅錢刮淨薑上取汁於錢脣點目熱淚出
今日點來日愈但小兒甚懼不須疑已試

良驗

藁耳

滁 州



藁耳

以藁私反

實味苦甘温葉味苦辛微寒有小

父五

六

毒主風頭寒痛風濕周痺四肢拘攣痛惡肉死肌膝痛溪毒久服益氣耳目聰明強志輕

身一名胡藁一名地葵一名菴一名常思生

安陸川谷及六安田野實熟時採

圖經曰藁耳生安陸川谷及六安田野今處處有之謹按詩人謂之卷耳爾雅謂之苓耳廣雅謂之藁耳皆以實得名也陸機疏云葉青白似胡荽白華細莖蔓生可煮爲茹滑而少味或曰此物本生蜀中其實多刺因羊過之毛中粘綴遂至中國故名羊負來俗呼爲道人頭寶熟時採之藥性論云藁耳亦可單用味甘無毒主肝家熱明目

陶隱居云此是常思菜僮人皆食之以葉

覆麥作黃衣者一名羊負來昔中國無此
言從外國逐羊毛中來方用亦堪稀

唐本註云蒼耳三月已後七月已前刈日
乾爲散夏水服冬酒服主大風癩癘頭風
濕痺毒在骨髓日二服丸服二十三十九

父五

陳藏器云萁耳葉按安舌下令涎出去目
黃好睡子炒令香擣去刺使腹破浸酒去
風補益又燒作灰和臘月猪脂封丁腫
雷公云凡採得去心取黃精用竹刀細切
拌之和同蒸從已至未去黃精取出陰乾

用

禹錫云按爾雅云卷耳苓耳注廣雅云藁耳也亦云胡藁江東呼爲常藁或曰苓耳形似鼠耳叢生如盤釋曰詩周南云采采卷耳

孟詵云蒼耳温主中風傷寒頭痛又丁腫困重生擣蒼耳根葉和小兒尿絞汁冷服一升日三度甚驗

聖惠方治婦人風瘙癢癩身痒不止用蒼耳花葉子等分擣羅爲末豆淋酒調服二

錢七〇又方治產後諸痢神效蒼耳葉搗
絞汁溫服半中盞日三四服
外臺祕要療熱毒病攻手足腫疼痛欲脫
方取蒼耳汁以漬之
千金方當以五月五日午時乾地刈取葉

耳葉洗曝燥搗下篩酒若漿水服方寸七
日三夜三散若吐逆可蜜為丸準計一方
寸七數也風輕勿治者日再服若身體有
風處皆作粟肌出或如麻豆粒此為風毒
出也

千金翼方治牙痛以蒼耳子五升水一斗
煮取五升熟舍之痛即吐吐後復舍不過
三劑差莖葉亦得○又方治五痔方蒼耳
莖葉以五月五日採乾爲末以水服方寸
匕立效

父五

八

食醫心鏡云除一切風濕痺四肢拘攣蒼
耳子三兩擣末水一升半煎取七合去滓
呷

斗門方治婦人血風攻腦頭旋悶絕忽死
忽倒地不知人事者用喝起草取其嫩心

不限多少陰乾爲末以常酒服一大盞不
拘時候其功大效服之多連腦蓋善通頂
門今蒼耳是也

勝金方治毒蛇并射丁沙風等傷眼黑口
噤手脚强直毒攻腹内成塊逡巡不救宜

用此方蒼耳嫩葉一握研取汁温酒和灌
之將滓厚罨所傷處

楊氏方產乳治誤吞錢葉耳頭一把以水
一升浸水中十餘度飲水愈

葛根

海州

成州



葛根味甘平無毒主消渴身大熱嘔吐諸痒

起陰氣解諸毒療傷寒中風頭痛解肌發表

出汗開腠理療金瘡止痛脇風痛 生根汁

大寒療煩渴傷寒壯熱 葛穀主下痢十歲

已上 葉主金瘡止血 花主消酒一名雞

父五

九

齋根一名鹿藿一名黃斤生汶山川谷五月

採根曝乾殺野葛巴豆百藥毒

圖經曰葛根生汶山川谷今處處有之江

浙尤多春生苗引藤蔓長一二丈紫色葉

頗似楸葉而青七月著花似豌豆花不

實根形如手臂張仲景治傷寒有葛根及
加半夏葛根黃芩黃蓮湯以其主大熱解
肌開腠理

陶隱居云即今之葛根人皆蒸食之當取
入土深大者破而日乾之生者擣取汁飲
之解毒病發熱其花并小豆花乾末服方
寸匕飲酒時知醉南康廬陵間最勝多肉
而少筋甘美

陳藏器云葛根生破血合瘡墮胎解酒毒
身熱赤酒黃小便赤澁可斷穀不飢根堪

作粉

日華子云葛冷治背膈熱心煩悶熱結止
血痢通小腸排膿破血傳蛇蟲嚙解罽毒
箭乾者力同

食療云葛根蒸食之消酒毒其粉亦甚妙

父五

十

聖惠方治時氣頭痛壯熱用生葛根淨洗
擣取汁一大盞豉一合煎至六分去豉不
計時候分作二服汗出即差未汗再服若
心熱加梔子仁十枚同煎去滓服○又方
治小兒熱渴久不止用葛根半兩細剉水

一中盞煎取六分去滓頻溫服

外臺秘要治傷筋絕擣葛根汁飲之葛白

屑熬令黃傅瘡止血

千金方酒醉不醒擣葛根汁飲一二升便

醒

肘後方治卒乾嘔不息擣葛根絞取汁服

一升差○又方食諸菜中毒發狂煩悶吐

下欲死煮葛根汁飲之

梅師方治傷寒初患二三日頭痛壯熱葛

根五兩香豉一升細剉以童子小便六升

煎取二升分作三服取汗觸風食葱豉粥
廣利方治心熱吐血不止生葛根汁半大
升頓服立差

傷寒類要治妊娠熱病心悶取葛根汁二
升分水三服

父五

十一

衍義曰葛根澧鼎之間冬月取生葛以水
中揉出粉澄成塊先煎湯使沸後擘成塊
下湯中良久色如膠其體甚韌以蜜湯中
拌食之擦少生薑尤佳大治中熱酒渴病
多食行小便亦能使人利病酒及渴者得

之甚良彼之人又切入煮茶中以待賓但
甘而無益又將生葛根煮熟者作果可虔
吉州南安軍亦有此賣

葛粉味甘大寒無毒主壓丹石去煩熱利大
小便止渴小兒熱痞以葛根浸搗汁飲之良

圖經曰文具葛根條下

陳藏器云拾遺云用衰小兒熱瘡妙

禹錫云按中品上卷葛根條功用與此相

通

聖惠方治中鳩毒氣欲絕者用葛粉三合

水三中盞 調飲之如口禁者以物揭開灌之○又方治胃中煩熱或渴心躁葛粉四兩先以水浸粟米半升經宿漉出與葛粉相拌令勻煮熟食之
 食醫心鏡治小兒壯熱嘔吐不住食驚瀉

方葛粉二大錢以水二合調令勻瀉向鏹鐸中傾側令遍重湯中煮令熟以糜飲相和食之

栝樓

均州



衡州



栝樓 根味苦寒無毒主消渴身熱煩滿大熱補虛安中續絕傷除腸胃中痼熱八疸身面黃脣乾口燥短氣通月水止小便利一名地

樓一名果羸一名天瓜一名澤姑實名黃瓜
主背痺悅澤人面○莖葉療中熱傷暑生洪
農川谷及山陰地入土深者良生鹵地者有
毒二月八月採根曝乾三十日成枸杞爲之
使惡乾薑畏牛膝乾漆反烏頭

父五

十二

圖經曰栝樓生洪農山谷及山陰地今所
在有之實名黃瓜詩所謂果蓏之實是也
根亦名白藥皮黃肉白三四月內生苗引
藤蔓葉如甜瓜葉作又有細毛七月開花
似葫蘆花淺黃色實在花下大如拳生青

至九月熟○孫思邈作粉法深掘大根屈
削皮至白處寸切之水浸一日一易水經
五日取出爛搗研以絹袋盛之澄濾令極
細如粉○唐崔元亮療箭鏃不出搗根傳
瘡日三易自出又療時疾發黃心強煩熱

父五

十三

悶不認人者取大實一枚黃者以新汲水
九合浸淘取汁下蜜半大合朴消八分合
不令消盡分再服便差
陶隱居云出近道藤生狀如土瓜而葉有
叉毛詩云果羸之實亦施于宇其實今以

雜作手膏用根入土六七尺大二三圍者
服食亦用之

唐本註云今用根作粉大宜服食虛熱人
食之作粉如作葛粉法潔白美好今出陝
州者白實最佳

禹錫云按爾雅云果羸之實栝樓釋曰果
羸之草其實名栝樓郭云今齊人謂之天
瓜

日華子云栝樓子味苦冷無毒補虛勞口
乾潤心肺療手面皴吐血腸風瀉血赤白

痢並炒用又栝樓根通小腸排膿消腫毒
生肌長肉消撲損瘀血治熱狂時疾乳癰
發背痔瘻瘡癩

雷公云栝樓凡使皮子莖根效各別其栝
并棗樣全別若栝自丸黃皮厚蒂小若棗

唯形長赤皮蒂麤是陰人服若脩事去上
殼皮革膜并油子使

聖惠方治熱病頭疼發熱進退方用栝樓
一枚大者取瓢細剉置甕碗中用熱湯一
盞沃之蓋却良久去滓不計時候服

外臺祕要治消渴利方生栝樓三十斤以
水一碩煮取一斗半去滓以牛脂五合煎
取水盡以煖酒先食服如雞子大日三服
即妙

肘後方消渴小便多栝樓薄切炙取五兩

九五

十四

水五升煮取四升隨意飲之良○又方若
腸隨肛出轉久不可收入擣生栝樓取汁
溫之猪肉汁中洗手隨按之令暖自得入
梅師方治諸癰背發乳房初起微赤擣栝
樓作末以井花水調方寸匕

集驗方下乳汁枯樓子淘洗控乾炒令香
熟瓦上搗令白色爲末酒調下一七合面
卧少時

杜壬方治背膈痛徹背心腹痛滿氣不得
通及治痰嗽大栝樓去穰取子熟炒別研
和子皮麩糊爲丸如梧桐子大米飲下十
五丸

母子祕錄治乳腫痛栝樓黃色老大者一
枚熟搗以白酒一斗煮取四升去滓温一
升日三服若無大者小者二枚黃熟爲已

楊氏產乳方治熱遊丹赤腫栝樓末二大
兩釀醋調塗之

產寶方治產後乳無汁栝樓末并花水服
方寸七日二服夜流出

楊文蔚方治痰嗽利腎膈方栝樓肥實大

父五

十五

者割開子淨洗父五搥破栝皮細切焙乾半夏
四十九箇湯洗十遍搥破焙乾爲末用洗
栝樓熟水并瓢同熬成膏研爲丸如梧子
大生薑湯下二十九

衍義曰栝樓實九月十月間取穰以乾葛

粉拌焙乾銀石器中燉火炒熟爲末食後
 夜卧以沸湯點一二錢服治肺燥熱渴大
 腸秘其根與貝母知母秦艽黃芩之類皆
 治馬熱

苦參

西京



秦州



成



邵州



苦參 味苦寒無毒主心腹結氣癥瘕積聚黃

疸溺有餘瀝逐水除癰腫補中明目止淚養
肝膽氣安安五藏定志益精利九竅除伏熱
腸澼止渴醒酒小便黃赤療惡瘡下部匿平
胃氣令人嗜食輕身一名水槐一名苦蕒音識

父五

十六

一名地槐一名菟槐一名驕槐一名白莖一
名虎麻一名岑莖一名祿白一名陵郎生汝
南山谷及田野三月八月十月採根曝乾玄
參為之使惡貝母漏蘆菟絲反藜蘆

圖經曰苦參生汝南山谷及田野今近道

處處皆有之其根黃色長五七寸許兩指
麤細三五莖並生苗高二三尺已來葉碎
青色極似槐葉故有水槐名春生冬凋其
花黃白七月結實如小豆子治癩疾其法
用苦參五斤切以好酒三斗漬三十日每
飲一合日三常服不絕若覺痺即差

陶隱居云今出近道處處有葉極似槐樹
故有槐名花黃子作莢根味至苦惡病人
酒實飲之多差患疥者一兩服亦除蓋能

殺蟲

禹錫云按藥性論云苦參能治熱毒風皮
肌煩燥生瘡赤癩眉脫主除大熱嗜唾治
腹中冷痛中惡腹痛除體悶治心腹積聚
不入湯用

日華子云殺疳蟲炒帶煙出爲末飯飲下

父五

十七

治腸風瀉血并熱痢

雷公云凡使不計多少先須用糯米濃泔
汁浸一宿上有腥穢氣並在水面上浮並
須重重淘過即蒸從巳至申出晒乾細剉
用之

外臺祕要治天行病四五日結背滿痛壯
熱身體熱苦參一兩剉以醋二升煮取一
升二合盡飲之當上即愈天行毒病非苦
參醋藥不解及湛覆取汗愈○又方小兒
身熱苦參湯浴見良

千金方治狂邪發無常披頭大叫欲殺人
不避水火苦參蜜丸桐子大每服十九薄
荷湯下

梅師方治飲食中毒魚肉菜等苦參三兩
以苦酒一升煎五沸去滓服之吐出即愈

或取煮犀角汁一升亦佳○又方治傷寒
四五日頭痛壯熱背脊中煩痛苦參五兩烏
梅二十枚細剉以水二升煎取一升溫服
千金方治時疾熱病狂言心躁苦參不限
多少炒黃色爲末每服二錢水一盞煎至
八分溫服連進參服有汗無汗皆差
集驗方治毒熱足腫疼欲絕酒煮苦參以
漬之

太史公云淳于意醫齊中大夫病齟齬灸
左手陽明脉苦參湯日漱三升出入得五

六日愈

衍義曰苦參有朝士苦腰重久坐旅拒十
餘步然後能行有一將佐謂朝士曰見公
日逐以藥揩齒其氣味傷腎故使人腰重
後有太常少卿舒昭亮用苦參已數年此

父五

十八

病曰苦參入齒其氣味傷腎故使人腰重
後有太常少卿舒昭亮用苦參揩齒歲久
亦病腰自後悉不用腰疾皆愈此皆方書
舊不載者有人病遍身風熱細癢痒痛不
可任連背頸臍腹及近隱皆然涎痰亦多

夜不得睡以苦參末一兩皂角二兩水一
升揉慮取汁銀石器熬成膏和苦參末爲
丸如梧桐子大食後溫水服二十九至三
十九次日便愈

當歸





當歸

味甘辛温大温無毒主欬逆上氣温瘡

父五

十九

寒熱洗

癬音

在皮膚中婦人漏下絕子諸惡瘡

瘍

羊音

金瘡煮飲之温中止痛除客血内塞中

風痙汗不出濕痺中惡客氣虛冷補五藏生

肌肉一名乾歸生隴西川谷二月八月採根

陰乾惡簡茹畏菖蒲海藻牡蒙

圖經曰當歸生隴西川谷今川蜀陝西諸
郡及江寧滁州皆有之以蜀中者爲勝春
生苗綠葉有三瓣七八月開花似時羅淺
紫色根黑黃色二月八月採根陰乾然苗
有二種都類芎藭而葉有大小爲異莖梗
比芎藭甚卑下根亦二種大葉名馬尾當
歸細葉名蠶頭當歸以肉厚不枯者勝
藥性論云當歸臣惡熱麩止嘔逆虛勞寒
熱破宿血主女子崩中下腸胃冷補諸不

足止痢腹痛單煮飲汁治溫瘧主女人瀝
血腰痛療齒疼痛不可忍患人虛冷加而
用之

陶隱居云今隴西叨陽黑水當歸多肉少
枝氣香名馬尾當歸稍難得西川北部當

歸多少枝而細歷陽所出色白而氣味藻
不相似呼爲草當歸闕少時乃用之方家
有云真當歸正謂此有好惡故也俗用甚
多道方時須爾

唐本註云當歸苗有二種一種似大葉芎

翦一種似細葉芎翦惟莖葉卑下於芎翦也今出當州巖州翼州松州宕州最勝細葉者名蠶頭當歸大葉者名馬尾當歸今用多是馬尾當歸蠶頭者不如此不復用陶稱歷陽者是蠶頭當歸也

父五

二十

日華子云治一切風一切血補一切勞破惡血養新血及主癥瘕

雷公云凡使先去塵并頭尖硬處一分已來酒浸一宿若要破血即使頭一節硬實處若要止痛止血即用尾若一時用不如

不使服食無效單使妙也

禹錫云按爾雅云薛山蘄注廣雅曰山蘄當歸也當歸今似蘄而麤大

吳氏云當歸神農黃帝桐君扁鵲甘無毒岐伯雷公辛無毒季氏小温或生羌胡地

別說云謹按當歸自古醫家方論用治婦人產後惡血上衝倉卒取效無急於此氣血昏亂者服之即定此蓋服之能使氣血各有所歸則可以於產後備急於補虛速效恐聖人立當歸之名必因此出矣

外臺祕要治頭疼欲裂當歸二兩酒一升
煮取六合飲至再服○又方治心痛當歸
爲末酒服方寸匕

肘後方小兒多患胎寒好啼晝夜不止因
此成癩當歸末小豆大乳汁灌之日夜三

四度服

葛氏方治小便出血當歸四兩細剉酒三
升煮取一斗頓服

梅師方胎動下血心腹疼死生不知服此
湯活即安死即下用當歸四兩芎藭九兩

細剉以酒三升水四升煎取三升分服
子母秘錄治倒產子死腹中擣當歸末酒
服方寸七

支太醫方治婦人百病諸虛不足當歸四
兩地黃二兩爲末蜜和丸如梧子大食前
米飲下十五丸

麻黃

麻黃



浮州



麻黃 味苦溫微溫無毒主中風傷寒頭痛溫
瘧發表出汗去邪熱氣止欬逆上氣除寒熱
破癥疔積聚五臟邪氣緩急風脇痛字乳餘
疾止疔唾通腠理踈傷寒頭疼解肌洩邪惡
氣消赤黑斑毒不可多服令人虛一名卑相

一名龍沙一名卑鹽生晉地及河東立秋採
莖陰乾令青厚朴爲之使惡辛夷石韋

圖經曰麻黃生晉地及河東今近京多有
之以滎陽中牟者爲勝苗春生至夏五月
則長及一尺已來梢上有黃花結實如百

父五

二十二

合瓣而小又似皂莢子味甜微有麻黃氣
外紅皮裏仁子黑根紫赤色俗說有雌雄
二種雌者於三月四月內開花六月內結
子雄者無花不結子至立秋後收採其莖
陰乾令青○張仲景治傷寒有麻黃湯及

大小青龍湯皆用麻黃治肺痿上氣有射
肝麻黃湯厚朴麻黃湯皆大方也古方湯
用麻黃先煮去沫然後內諸藥亦用丸散
者皆不然也

陶隱居云今出青州彭城滎陽中牟者爲
勝色青而多沫蜀中亦有不好用之折除
節節止汗故也先煮一兩沸去上沫沫令
人煩其根亦止汗夏月雜粉用之俗用療
傷寒解肌第一

唐本註云鄭州鹿臺及關中沙苑河傍沙

洲上大多其青徐者今不復用同州沙苑
最多

日華子云通九竅調血脉開毛孔皮膚逐
風破癥癖積聚逐五藏邪氣退熱禦山嵐
瘴氣

父五

二十三

雷公云凡使去節并沫若不盡去之令人
悶用夾刀剪去節并頭槐砧上用銅刀細
剉煎三四十沸竹片掠去上沫盡漉出曬
乾用之

禹錫云按藥性論云麻黃君味甘平能治

身上毒風癩痺皮肉不仁主壯熱解肌發汗溫瘡治溫疫根節能止汗方曰并故竹扇杵末撲之又牡蠣粉粟粉并根等分末生絹袋盛盜汗出即撲手摩之

傷寒類要張仲景傷寒論云黃疸病以麻黃醇酒湯主之麻黃一把去節綿裹以美酒五升煮取半升去滓頓服

子母祕錄治產後腹痛及血下不盡麻黃去節杵末酒服方寸七日二三服血下盡即止澤蘭湯服亦妙

衍義曰麻黃出鄭州者佳剪去節半兩以
 蜜一匙七同炒良久以水半升煎俟沸去
 上沫再煎去三分之一不用滓病瘡疤倒
 屨黑者乘熱盡服之避風伺其瘡復出一
 法用無灰酒煎但小兒不能飲酒者難服
 然其效更速以此知此藥入表也

通草



解州

通脫木



海州

興元府

通草 味辛甘平無毒主去惡蟲除脾胃寒熱

通利九竅血脉關節令人不忘療脾疸常欲
眠心煩噦出音聲療耳聾散癰腫諸結不消
及金瘡惡瘡鼠癭踠折音鼻息肉墮胎去
三蟲一名附支一名丁翁生石城山谷及山

父五

二十四

陽正月採枝陰乾

圖經曰通草生石城山谷及山陽今澤路
漢中江淮湖南州郡亦有之生作藤蔓大
如指其莖幹大者徑三寸每節有二三枝
枝頭出五葉頗類石韋今人謂之木通俗

間所謂通草乃通脫木

陶隱居云今出近道繞樹藤生汁白莖有
細孔兩頭皆通舍一頭吹之則氣出彼頭
者良或云即葛藤莖

陳藏器云通脫木無毒花上粉主諸蟲瘡

父五

二十五

野雞病取粉內瘡中生山側葉似草麻心
中有瓢輕白可愛女工取以飾物爾雅云
離南活脫也一本云藥草生江南主蟲病
今俗亦名通草○又云本功外子味甘利
大小便宣通去煩熱食之令人心寬止渴

下氣江東人呼爲畜蓄子江西人呼爲拏
子如算袋穰黃子黑食之當去其皮蘇云
色白乃猴蓄也

日華子云木通安心除煩止渴退熱治健
忘明耳目治鼻息通小腸下水破積聚血

塊排膿治瘡節止痛催生下胞女人血閉
月候不勻天行時疾頭痛目眩羸劣乳結
及下乳子名覆子七八月採

禹錫云按藥性論云木通臣微寒一名王
翁萬年主治五淋利小便開關格治人多

睡主水腫浮大除煩熱用根治項下瘤癭
陳士良云驚覆子寒無毒主胃口熱閉反
胃不下食除三焦客熱此是木通實名桴
揆子莖名木通主理風熱淋疾小便數急
疼小腹虛滿宜煎湯并葱食之有效野生
海藥云謹按徐表南州記云生廣州山谷
味溫平主諸癩瘡喉嚨痛反喉痺並宜煎
服之磨亦得急即含之

食療云煮飲之通婦人血氣濃煎三五盞
即便通又除寒熱不通之氣消鼠癭金瘡

踈折煮汁釀酒也

芍藥

洋州

父五



二十六

芍藥 味苦酸平微寒有小毒主邪氣腹痛除

血痺破堅積寒熱疝瘕止痛利小便益氣通

順血脈緩中散惡血逐賊血去水氣利膀胱

大小腸消癰腫時行寒熱中惡腹痛腰痛一

名白朮一名餘容一名犁食一名解倉一名

鋌生中嶽川谷及丘陵二月八月採根暴乾
須丸爲之使○禹錫等按別本作雷丸惡石
斛芒消畏消石鼈甲小薊反藜蘆

圖經曰芍藥生中嶽川谷及丘陵今處處
有之海南者勝春生紅芽作叢莖上三枝
五葉似牡丹而狹長高一二尺夏開花有
紅白紫數種子似牡丹子而小秋時採根
根亦有赤白二色崔豹古今注云芍藥有
二種有草芍藥木芍藥木者花大而色深
俗呼爲牡丹非也○正比廣利方治婦女

赤白下年月深久不差者白芍藥三大兩
乾薑半兩大兩細剉熬令黃搗篩空肚和飲
汁服一錢七

藥性論云芍藥臣能治肺邪氣腹中疝痛
血氣積聚通宣藏腑擁氣治邪痛敗血主

父五

二十七

時疾骨熱強五藏補腎氣治腹堅脹婦人
血閉不通消瘀血能蝕膿

陶隱居云今出白山蔣茅山最好白而長
大餘處亦有而多赤赤者小利俗呼以止
痛乃不減當歸道家亦服食之又煑石用

之

別本註云此有兩種赤者利小便下氣白者止痛散血其花亦有紅白二色

日華子云治風補勞主女人一切病并產前後諸疾通月水退熱除煩益氣

雷公云凡採得後於日中曬乾以竹刀刊上麋_鹿皮并頭土了剉蜜水拌蒸從巳至未
晒乾用

禹錫云按吳氏云芍藥神農苦桐君甘無毒歧伯鹹季氏小寒雷公酸

別說云今淮南真陽尤多藥家見其肥大
而不知香味絕不佳故入藥不可責其效
今考用宜依本經所說州谷丘陵有生者
為勝爾

經驗後方治風毒骨髓疼痛芍藥二分虎
骨一兩炙為末夾絹袋盛酒三升漬五日
每服二合日三服

博濟方治五淋赤芍藥一兩檳榔一箇麩
裏煨為末每服一錢匕水一盞煎至七分
空心服

廣利方金瘡血不止痛白芍藥一兩熬令
黃忤細爲散酒或米飲下二錢並得初三
服漸加

初虞世治咯血衄血白芍藥一兩犀角末
一分爲末新水服一錢七血止爲限

父五

二十八

衍義曰芍藥全用根其品亦多須用花紅
而單葉山中爲佳花葉即多根虛然其根
多赤色其味澁苦或有色白麤肥者益好
餘如經然血虛寒人禁此一物古人有言
者減芍藥以避中寒誠不可忽

豕蝨實

異州



豕蝨實味甘平温無毒主皮膚寒熱胃中熱氣

風寒濕痺堅筋骨令人嗜食止心煩滿利大
小便長肌膚肥大久服輕身花葉去白蟲瘡
喉痺多服令人澹洩一名荔實一名劇草一
名三堅一名豕首生河東川谷五月採實陰

乾

圖經曰蝨實馬蘭子也北人音訛呼爲揀
子生河東川谷今陝西諸郡及鼎澧州亦
有之近京尤多葉似薤而長厚三月開紫
碧花五月結實作角子如麻大而赤色有
稜根細長通黃色人取以爲刷父五三月採花二十九
五月採實並陰乾用○崔元亮治喉痺腫
痛取荔花皮根共十二分以水一升煮六
合去滓舍之細細嚙汁差止

陶隱居云方藥不復用俗無識者本名精

亦名豕首也

日華子云馬蔺治婦人血氣煩悶產後血
運并經脉不止崩中帶下消一切瘡癰腫
毒止鼻洪吐血通小腸消酒毒治黃病傳
蛇蟲咬殺葷毒亦可蔬菜食莖葉同用

外臺秘要治喉痺垂死者杵蠶實根一握
水絞取汁稍稍嚥之口噤灌之

千金方治中蠱下血如雞肝出其餘四藏
悉壞唯心未毀或鼻破待死取馬蔺根末
水服方寸匕隨吐則出極神此苗似葛蔓

綠紫生子似橘子

衍義曰蠶實陶隱居云方藥不復用俗無識者本經諸家所注不相應若果是馬蘭其日華子不當更言亦可為蔬菜食蓋馬蘭其葉馬牛皆不食為纒出土葉已硬沉又無味豈可更堪人食也今不敢以蠶實為馬蘭子更俟博識者

瞿麥

絳州



瞿麥 味苦辛寒無毒主關格諸癰結小便不通出刺決癰腫明目去翳破胎墮子下閉血養腎氣逐膀胱邪逆止霍亂長毛髮一名巨

父五

三十

句麥一名大菊一名大蘭生太山川谷立秋採實陰乾蓑草牡丹為之使惡蠧蝟

圖經曰瞿麥生太山川谷今處處有之高一尺以來葉尖小青色根紫黑色形如細蔓菁花紅紫赤色亦似映山紅二月至五

月開花七月結實作穗子頗似麥故名瞿
麥立秋後合子葉收採陰乾用古今方通
心經利小腸爲最要張仲景治小便不利
有水氣枯樓瞿麥丸主之

陶隱居云今出近道一莖生細葉花紅紫

赤可愛合子葉刈取之子頗似麥故名瞿
麥此類乃有兩種一種肥大花邊有叉極
未知何者是今市人皆用小者復一種葉
廣相似而有毛花晚而甚赤按經云採實
實中子至細燥熟便脫盡今市人惟合莖

葉用而實正空殼無復子爾

日華子云瞿麥催生又名杜母草燕麥蕎麥又云石竹治痔瘻并瀉血作湯粥食並得

雷公云凡使只用藥殼不用花葉若一時

父五

三十

使即空心令人氣咽小便不禁凡欲用須以薑竹瀝浸一伏時漉出曬乾使用

外臺祕要治髓以瞿麥為末水調方寸七千金方治產經數日不出或子死腹中毋欲死以瞿麥煮濃汁服之

梅師方治竹木刺入肉中不出瞿麥爲末
水服方寸匕或煮瞿麥汁飲之日三千金
同

崔氏方治魚臍瘡毒腫燒灰和油傳於腫
上甚佳

衍義曰瞿麥八政散用瞿麥今人爲至要
藥若心經雖有熱而小腸虛者服之則心
熱未退而小腸別作病料其意者不過爲
心與小腸爲傳送故用此入小腸藥按經
瞿並不治心熱若心無大熱則當止治其

心若或制之不盡須當求其屬以衰之用
 八正散者其意如此
 玄參

衡

州

江州



邪州



玄參

味苦鹹微寒無毒主腹中寒熱積聚女子產乳餘疾補腎氣令人目明主暴中風傷寒身熱支滿狂邪忽忽不知人溫瘧灑灑血痲下寒血除骨中氣下水止煩渴散頸下核

父五

三十二

癰腫心腹痛堅癥定五藏久服補虛明目強陰益精一名重臺一名玄臺一名鹿腸一名正馬一名咸一名端生河間川谷及寃句三月四月採根暴乾惡黃著乾薑大棗山茱萸反藜蘆

又圖經曰玄參生河間及宛句今處處有之
二月生苗葉似脂麻又如槐柳細莖青紫
五色七月開花青碧色八月採子黑色亦有
白花莖方大紫赤色而有細毛有節若竹
者高五六尺葉如掌大尖長如鋸齒其根
尖長生青白乾即紫黑新者肥膩一根生
五七枚三九九月採暴乾或云蒸日乾
陶隱居云今出近道處處有莖似人參而
長大根甚黑亦微香道家時用亦以合香
唐本註云玄參根苗臭莖亦不似人參陶

云道家亦以合香未見其理也

日華子云治頭風熱毒遊風補勞虛損心
驚煩燥劣乏骨蒸傳尸邪氣止健忘消腫
毒

雷公云凡採得後須用蒲葉重重相隔入

父五

三十三

甌蒸兩伏時後出乾晒使用時勿令犯銅
餌之後噎人喉喪人目揀去蒲草盡了用
之

禹錫云按藥性論云玄參使一名逐馬味
苦治暴結熱主熱風頭痛傷寒復勞散瘤

癭瘰癧

經驗方治患勞人燒香法玄參一斤甘松
六兩爲末煉蜜一斤和勻入瓷餅內封閉
地中埋窰十日取出更用灰末六兩更煉
蜜六兩和勻入餅內封更窰五日取出燒
令鼻中常聞香疾自愈

廣利方治瘰癧經年久不差生玄參搗碎
傅上日二易之

秦芫

石州

州

泰

齊州



寧化軍



秦元

交音

味苦辛平微温無毒主寒熱邪氣寒

父五

三十四

濕風痺枝節痛下水利小便療風無問新久

通身攣急生飛鳥山谷二月八月採根暴乾

菖蒲為之使

圖經曰秦元生飛鳥山谷今河陝州軍多

有之根上黃色相交糾長一尺已來麤細
不等枝幹高五六寸葉婆娑連莖梗俱青
色如蒿巨葉六月開紫花似葛花當月結
子每於春秋採根陰乾

陶隱居云飛鳥或是地名今出甘松龍洞

蠶陵長大黃白色爲佳根皆作羅紋相交
中多御土用之熟破除去方家多作秦膠
字與獨活療風常用道家不須爾

唐本註云今出涇州鄜州岐州者良本作
札或作糾作膠正作芘也

日華子云味甘冷主傳尸骨蒸治疔及時
氣又名秦艽羅紋者佳

雷公云凡使秦并艽須於脚文處認取左
文列爲秦即治疾艽即發脚氣凡用秦先
以布拭上黃肉毛盡然後用還元湯浸一

父五

三十五

宿至明出日乾用

禹錫云按藥性論云秦艽解米脂人食穀
不充悅畏牛乳點食之利大小便差五種
黃病解酒毒去頭風

蕭炳云本經名秦瓜世人以療酒黃黃疸

大效

聖惠方治傷寒心神熱躁口乾煩渴用秦
芫一兩去苗細剉以牛乳一大盞煎六分
去滓不計時候分溫一服○又方治小便
難腹滿悶不急療之殺人用秦芫一兩去

苗以水一大盞煎取七分去滓每於食前
作兩服差

孫真人方治黃疸皮膚眼睛赤金色小便
赤取秦芫五兩牛乳三升煮取一升去滓
內芒消一兩服

內法百合兩服

成州



涿州



百合

味甘平無毒主邪氣腹脹心痛利大小

便補中益氣除浮腫臃脹痞滿寒熱通身疼

痛及乳難喉痺止涕淚一名重箱一名摩羅

一名中逢花一名強瞿生荊州川谷二月八

月採根曝乾

圖經曰百合生荊州川谷今近道處處有
之春生苗高數尺幹麤如箭四面有葉如
雞距又似柳葉青色葉近莖微紫莖端碧
白四五月開白花如石榴背而大根如葫
蒜重疊生二三月八月採根暴乾人

父五

三十六

亦蒸食之甚益氣張仲景治病有百合知
母湯百合滑石代赭湯百合雞子湯百合
地黃湯凡四方病名百合而用百合治之
不識其義

陶隱居云近道處處有根如葫蒜數十片

相累人亦蒸煑食之乃言初是蛇蚓相纏
結變作之俗人皆呼爲強仇仇即瞿也聲
之訛爾亦堪服食

唐本註云此藥有二種一種細葉花紅白
色一種葉大莖長根麤花白不入藥用

日華子云白百合安心定膽益志養五藏
治顛邪啼泣狂叫驚悸殺蠱毒氣協乳癰
發背及諸瘡腫并治產後血任運

禹錫云按藥性論云百合使有小毒主百
邪鬼魅涕泣不止除心下急滿痛治脚氣

熱欬逆

食療云平主心急黃蒸過蜜食之作粉尤
佳紅花者名山丹不堪食

聖惠方治肺藏壅熱煩悶新百合四兩蜜
半盞和蒸令軟時時含一棗大嚙津

父五

三十七

又方治傷寒腹中滿痛用百合一兩炒令
黃色搗為散不計時候粥飲調下二錢服
之

孫真人食忌云治陰毒傷寒煮百合濃汁
服一升良

勝金方治耳聾疼痛以乾百合為末溫水調下二錢七食後服

衍義曰百合張仲景用治傷寒壞後百合病須此也莖高三尺許葉如大柳葉四向攢枝而上其顛即有淡黃白花四垂向下覆長藥花心有檀色每一枝顛須五六花子色圓如梧子生於枝葉間每葉一子不在花中此又異也根即百合其色白其形如松子殼四向攢生中間出苗

圖經衍義本草卷之十二

共九

